

重刊道藏輯要

瓊瑯真人集

宋海南白玉蟾著

聯句

盱江舟中聯句 嘉定癸未仲秋之朔偕黃天谷道好而

渝舟中聯句

倏忽繪千兔尋常涸白蠶白眼光摩日月足迹遍山河黃赤壁

聊化鶴黃庭浪換鵝白秋聲歸欵乃雲影映婆娑黃夜後調焦

尾風前舞太阿白待藏班婕扇卻援魯陽戈黃點爾言其志虞

兮奈若何白道緣甯擇地世事總隨波黃萬象由彈壓千篇在

道藏輯要

白玉真人集

四

壹

婁集四
川七上

切磋白酒徒從狎至詩客聽相遇黃較我芒不借就伊金叵羅

白峯巔餐地秀霞外挹天和黃拍手傲傲舞忘形踏踏歌白力

辭金殿客高應玉皇科黃八挂招六逸九嶷哀兩娥白清漪馴

綵鳴列阜拊眠駝黃逸韻應無敵清明到不毛白樵仙分我席

力士汗吾鞵黃風沈腰何瘦霜潘鬢謾皤白懷丹醫病鶴尋餌

釣神鰲黃為問六國印何如一漁篋白清飈茶腋爽韶景醉顏

醅黃且噉蕪如臂從教書似檢白推蓬延月桂引襟翫烟蘿黃

君已人登泰辭皆水導嶠白藥宮清縹緲雲闕鬱峩峩黃未到

桑田變疑將銅狄摩白誰知天不管敢謂世無魔黃鴟政驩無

忤騷壇命太苛白玄譚時膾炙傑句肆吟哦黃大道真溟滓淨

生但剝那 白 玉天還有詔應是典風騷 黃

疎山舟中聯句

山影卧寒碧波光搖虛空 白 權凌千頃月帆鼓一天風 黃 列岸

萬絲柳遙岑數粒松詩魂混雁鶩草聖驚魚龍 白 夢斷江樓笛

吟餘烟寺鍾電華飛我劍虹暈掛吾弓 黃 清嘯騎汗漫朗吟泛

溟濛 白 誰云澤國小樂亦在其中 黃

雪窗聯句 王樅張雲友劉希古三友

霜風寒襲人 張 梅香清透骨莫色冥九峯 白 月華澹雙闕青猿

嘯蒼虬 王 紅螢粘綠髮滕六欲飛花 劉 巽二急催雪爐烹獸炭

紅 張 簾捲鴛羅纈更燒古龍涎 白 滿斟青鳳血堆盤老榛栗 王

道藏輯要

白真人集

四

二

婁集四

託契舊瓜葛笑揮白玉塵 劉 共說丹砂訣飄飄志欲仙 張 酣醋

耳正熱松鶴警清露 白 烟麋卧蒼樾一鴈過天外 王 孤鵲遶木

未隱約銀漢星 劉 微芒翠杉月燭花凍不淚 張 火柿撥欲滅回

首顧壁影 白 開懷吐談屑結習三生路 王 慷慨萬人傑聚散如

浮萍 劉 死生猶幻沫萬事一置之 張 四皓不渠劣夜深戶泣鬼

白歲晚霜摩鵲泉涸水涯淡 王 雲渺天空闊餓鼠齧枯藤 劉 凍

蠅棲瑣闥觴詠興未闌 張 烘堂各粲發 白

權歌聯句

西風起兮落葉黃兮黍稷香兮 白 擊空明兮泝流光兮天一方

兮 白 彼美人兮遙相望兮彼蒼兮茫兮 黎 擊孤舟兮蓼花傍兮啼